



Dasta Saizar Euskal Sagardo botila gure Sagardotegian!



SAIZAR

Sagardoa • Sidra Natural

SAGARDOTEGIKO ERRESERBAK
943 373 995

BODEGA

- ☉ Kale-zahar auzoa, 39 • Apdo. 68
20.170 USURBIL (Gipuzkoa)
- ☎ +34 943 36 45 97
- ✉ sidreria@sidrassaizar.com

Herriagalerak:

www.sidrassaizar.com



SAGARRAREN ARTEA

Sagarra hainbat kultur egitasmotako protagonista da. Astarbe sagardotegiak SagarArte galeria zabalduko du ekainaren 2an, eta Hika eta Oinkari taldeak antzerkia, dantza eta musika uztartzen dituen 'Sagartu' ikuskizuna herriz herri aurkezten ari dira.

Astigarrak Astarbe sagardotegiak ekainaren 2an antolatuko duen Sagarberri jaialdian ospatuko du 455. urteurrena, eta SagarArte galeria zabalduko du.

Bidenabar, garai bateko sagardotegiei gorazarre egingo diete, Astarbe sagardotegiko arduradunek azaldu dutenez: «XIX. mendean, sagardotegiak inguruko adierazpide kulturalen atari ziren. Toka, bola jokoak, txistulariak eta bertsolariak sagardoaren etxean hartzen zuten babes. Belaunaldi horiei omenaldia egingo, ekainaren 2an ospatuko dugun 455. urteurrenean, SagarArte galeria irekiko dugu, Euskal Herrian sagarrarekin loturiko artelanak landuko dituen galeria bakarra».

SagarArte galeria zabaltzeaz gain, Sagarberri jaialdian beste zenbait ekitaldi ere egingo dira: *Euskal Baleazaleen arrastoen atzetik* egitasmoaren memoria ezagutaraziko da; Aitor Zarzuolok ondu duen *Idun* film laburra aurkeztuko da, eta askotariko pintxo gozoak dastatu ahal izango dira, Astarbe sagardotegiak ekoiztiko sagardoarekin lagunduta.

Astarbe Gipuzkoako sagardotegirik zaharretako bat da, eta bost mendetan familia bakar batek aurrera eraman duen gutxieta bat. 1563ko maiatzaren 20koa da Astigarrakako Mendiola baserria eta sagardotegia –gaur egungo Astarbe– aipatzen den lehen dokumentu historikoa.

'SAGARTU', KALEAN ETA ANTZOKIETAN

Hika Teatroa konpainiak eta Oinkari taldeak *Sagartu* ikuskizuna sortu dute, hasieran kalean emateko, eta Kalerki Zarauzko 24. Kale Antzerki Jaialdian estreinatu zuten iazko uztailaren 8an; baina aretorako ere moldatu dute, eta Bilboko Campos antzokian aurkeztu zuten aurtengo



Oinkari dantza taldearen eta Hika Teatroa taldearen *Sagartu* ikuskizuna.

Hika Teatroa

martxoaren 17an. Hurrengo emanaldiak Beasainen (maiatzaren 10ean), Orozkon (ekainaren 29an), Bilboko Kalealdia jaialdian (uztailaren 6an eta 7an), Lasarte-Orian (uztailaren 20an) eta Sopenan (irailaren 8an) izango dira.

Oinkari taldeko hamasei dantzari zuzendari, eta gidoia ere idatzi du, Arantxa Iturberekin batera, eta Kukai dantza taldeko Eneko Gil aritu da koreografiak atontzen. Halaber, Iñaki Dieguez eta Iker Telleria musikariak ere aritzen dira saioetan. Dieguezek sortu dituen doinuak jotzen.

Intxaurrenaren hitzetan, sagarraren eta sagardoaren garrantzia

nabarmentzen dute *Sagartu* ikuskizunean: «Sagarrak baserrien iraupena ekarri du, baserri guztiak dolarearen inguruan sortu zirelako. Sagarrak eta sagardoak izan duten eta egun daukaten garrantzia kontuan hartuta, gure ondareetatik ekin genion; azken finean, hori da *Sagartu*».

Halaber, sagarrak historioan izan dituen gainerako esanahiak ere txertatu dituzte: sagar perfektua, ustela eta paradisukoak, besteak beste.

@ Informazio gehiago bildu nahi izanez gero, bisitatu webgune hauek:
www.astarbesagardotegia.com
www.hikateatroa.eus
www.oinkari.eus